



SULEQATIGIISITSISUT  
SAMARBEJDSPARTIET

UKA 2018/8

Tillie Martinussen

15. oktober 2018

(Aningaasaqarnermut Akileraartarnermullu Naalakkersuisoq)

## **2017-imut Ilassutissatut aningaasaliissutinut Inatsisissatut siunnersuut**

(Tillie Martinussen, medlem af Inatsisartut, Samarbejdspartiet)

Aningaasartorpallaarpugut isertitatsinnut naleqqiullugu.

Soorunami oqittuinnaangilaq aningaasartuutunik sipaarfiusinnaasunik naassaarnissaq kisianni tupinnakujuppoq takullugu TB-mut inatsit sinneqartoorutimininnguatsinnit ajorseriartitsisoq allaat sinneqartoorutigut amingartoorutinngortillugit.

Meeqqanulli ikiorsiisarneq pillugu inatsit nuannaarutigeqqaassavarput taamatullu Ulussaarsuarmit eqqornerqartut ikiorneqarsimanerat kiisalu Syriami ajunaarnersuarmik eqqugaasut ikiorneqarsimanerat. Nuannerpoq takullugu nunarput taamatu pisoqartillugu ikiuussinnaasoq. Aamma takusinnaavarput meeqqanut ikiorsiisarlugu pillugut inatsit aqputigalugu akisussaasutut iliuuseqarluni ilitersuusiortoqarsimasoq piviusunngortitsinermi ikorfartuutaasussamik. Pitsaalluinnarpoq. Aamma takusinnaavarput Ilaqtariinnut sullissiviit kiisalu ujarlerluni suliniuteqartarneq nukittorsarniarneqartut, kaammattuutigissavarput tamatumap ataavartumik aningaasaliiffiqineqartarnissaa - aningaasalersorneqartariaqarporli allatigut.

Aamma nuttarnermut aningaasaliissutit 2017-mi atuiffiqineqarsimasut uggornarporli aningaasaliissutinut ilassutikkoortinneqarmata.

Aamma nuannerpoq takullugu sanaartukkat naammassereersut sipaarfigineqarsimasut, taamaasilluni naatsorsuutigisamit ikinnernik atuisoqarpoq. Sanaartornermut Iluarsaassinermullu aningaasaateqarfiup akilersugai suliat pitsaassusaat ajunngippat, nuannerluinnaqqissaassaaq.

Eqqarsarnartoqarpoq eqqornerusunik missingersuusiorsinnaanginnatta. Nalunngilarput peqqinnissaqarfimmi eqqortunik missingersuusiorumalluni ilungersuasooqartoq, tikisitanilli



SULEQATIGIISITSUT  
SAMARBEJDSPARTIET

sulisoqarnissaq isumalluutaammat minnerunngitsumillu napparsimasunik angallassigasuartoqartarmat taamatullu nakorsaatit akiisa allanngorarnerannit eqqorneqarsinnaasarmat paasilluarpagut.

Peqqinnissaqarfimmi peruluttunik angallassigasuartarneq pisarmat ajunngilaq. Pivarpummi inuit inuunerat aamma taamaattumik pisartunut naatsorsuutiginniganut kontoqarpugut sillimmateqarlutalu ajoraluartumik siunertanut atorneqartuaannanngitsumik kisiannili allarlunnarnut atorneqartartunik. Aamma paasivarput Peqqinnissaqarfimmi sulisut akissarsiaasa isumaqatigiinniutigineqarneranut atatillugu aningaasartuutit amerlisariaqarsimanerat missingersuutitut ilanngunneqarsimanngitsoq tamannalu isornartutut isigaarput. Pilersaarusionsiorluartariaqarput taamaattut aamma allaanngilaq piaaraluni akissarsiat sulinermilu atukkat pillugit isumaqatigiinniarnert kinguarsarneqarsimasut, DAU-p inernera ajorneruleqqunagu, neriuppugulli taamaattoqarsimassanngitsoq.

Matumani ataatsimiinnermi illut sanaqataaffiusut pillugit siunnersuut suliaarput takusinnaavarpu, kommunit aqqissuussineq atorsimannikkaat nunaqarfinni isorliunerusunilu 2017-mi illuliornernut atatillugu, taamaallaat kommunit marluk tamanna atorsimavaat. Assut uggornarpoq piviusorsioortumilli isigisariaqarparput. Aamma takusinnaavarput Inatsisartut angalanerannut atatillugu ilanngussat nalunaarsorneqarnerat kukkuneqartoq, tamannali pisinnaavoq. Pinngitsoortinneqartariaqarporli.

Oqaatsit sakkortuut atorlugit Tunngaviusumik Inatsisileqalernissamut Ataatsimiititaliarsuup suliaminik piffissaagallartillugu naammassinnissinnaannginnera pissutigalugu immikkut aningaasaliiffigineqarsimanagera isornarlunnartutut isigaarput. Init atortussanngortinneqarsimasut innuttaasunit isornartorsiorneqartareerput. Arriippallaamik sulineq, kusanarnersiukkanik allaffeqarneq milliunerpassuarnut il.il. eqqarsaatigilluangaanngillat qaavatillugu ukiuni tulliuuttuni aamma immikkut aningaasaliisoqartariaqartartussaavoq. Neriuppugut suliaq kusassanganngitsoq aamma aalajangersimasut isumaannut qanippallaanngitsoq naammassineqarumaartoq. Milliunerpassuarnik akeqartariaqarsimasorinarpoq - neriuppugulli ukiuni arlalinni milliunerpassuit aningaasaliissutigineqarsimasut atorlugit katersuuffiusinnaasumik saqqummiussisoqarumaartoq.



SULEQATIGIISITSISUT  
SAMARBEJDSPARTIET

Kangerlussuarmi umiarsualimmut aningaasanik nuussisoqarsimavoq uffa peqataanik Kangerlussuaq Mittarfiliortiternermut atatillugu pisariaqarunnaarsinniarneqartoq, taamaattumik paasiuminaatsitaqarpugut.

Aamma mittarfinni sillimanissamut atatillugu atortunut nutaanut aningaasaliisoqarsimavoq aamma atortuutitut sillimanissamut akuersissutiginnittarnermut atatillugu - kisianni taamaakkaluartoq paasiuminaappoq sooq atortuutigut Kangerlussuarmi atorsinnaajunnaarsimanersut, soorlu ippassaani takugipput, Mittarfeqarfiillu iluarsiinissaminnut aamma periarfissaqarsimangillat.

Assaap aappaanik ikiuisoqarpoq allisaasoqarlunilu aappaanilli ikiuisoqarani.

Assut isummat aalarrajuttuusipput nunap aningaasaatai pineqartillugit.

Qulaani oqaatigisatigut eqqaamallugit aningaasanut inatsisip isumaqatigiinniutigieneqarnissaanut inassutigaarput 2017-imut Ilassutissatut aningaasaliissutitut Inatsisissatut siunnersuut akuerineqassasoq aamma neriuppugut siunissami missingersuusiullaqqinnerujumaartugut isumagalugulu iluarsartuussinissaq aningaasartuutitigut artukkerneqarsimaneq illuatungilerumallugu aningaasammi atorusunnernerupput ilinniartitaanermut, peqqissutsimut aamma inunnik isumaginninnermut atatillugu suliniutitut.

Qujanaq oqaaseqarsinnaagama.